



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-085-4/23**
Datum: **15.06.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „RAJZ“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda sa lokacije proizvodnog pogona (proizvodnja boja, fasada i maltera), izgrađenog u mjestu Garovci, općina Hadžići, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99 i 61/22), donosi:

R J E Š E N J E **o vodnoj dozvoli**

1. Pravnom licu „RAJZ“ d.o.o. Sarajevo daje se vodna dozvola za ispuštanje tehnoloških otpadnih voda sa lokacije proizvodnog pogona (proizvodnja boja, fasada i maltera), izgrađenog u mjestu Garovci, općina Hadžići na zemljištu označenom kao k.č. broj: 877, 878, 879/1, 879/2, 881, 882/1, 882/2 i 883 K.O Binježevo u Garovcima, Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na lokaciji objekta i pod slijedećim uslovima:
 - 3.1. Da pravno lice, „RAJZ“ d.o.o. Sarajevo obezbijedi da se sistem za prikupljanje, prečišćavanje i ispuštanje otpadnih voda sa lokacije poslovno-proizvodnog objekta- pogona za proizvodnju boja, fasada i maltera, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se zadrži postojeći kapacitet proizvodnje bez mogućnosti proširenja instaliranih proizvodnih kapaciteta i dodatnih aktivnosti koje bi mogle negativno uticati na kvalitet vode izvorišta voda za piće „Garovci“.
 - 3.3. Da se u roku od 3 (tri) mjeseca od izdavanja ovog rješenja završe radovi na predmetnoj lokaciji-asfaltiranje platoa, tako da se omogući prikupljanje oborinskih onečišćenih voda i njihovo spajanje na uređaj za tretman te onemogući bilo kakvo isticanje i rasipanje opasnih i štetnih materija u podzemne i površinske vode.
 - 3.4. Čišćenje uređaja za tretman tehnoloških otpadnih voda, separatora masti i ulja, taložnika kao i ostalog otpada sa lokacije predmetnog proizvodnog pogona može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora masti, neophodno je voditi službenu evidenciju i arhivu.
 - 3.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim ispustima u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).

- 3.7. Ukoliko Vlada kantona propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.8. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Osigurati priručna sredstva za brzu intervenciju u slučaju nekontrolisanog rasipanja i isticanje tečnog opasnog otpada, kako bi se spriječilo moguće onečišćenje voda i tla.
- 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se aktivnosti obuhvaćene tačkom 3. dispozitiva rješenja u cjelosti poštuje.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „RAJZ“ d.o.o. Sarajevo obratilo se ovoj Agenciji sa zahtjevom zaprimljenim 08.03.2023 godine za donošenje rješenja o vodnoj dozvoli za ispuštanje tehnoloških otpadnih voda sa lokacije proizvodnog pogona (proizvodnja boja, fasada i maltera), izgrađenog u mjestu Garovci, općina Hadžići na zemljištu označenom kao k.č. broj: 877, 878, 879/1, 879/2, 881, 882/1, 882/2884/1, 884/2 i 883 K.O Binježevo u Garovcima, Hadžići.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Rješenje o izmjenama podataka u sudskom registru broj:065-0-Reg-19-006282 od 10.01.2020. godine izdat od strane Općinskog suda u Sarajevu-ovjerena kopija;
- Uvjerenje o registraciji broj: 04/1-17-1-UPJR/1-3851-2/19 od 03.07.2019. godine, Uprava za indirektno oporezivanje Banja Luka,
- Uvjerenja o poreznoj registraciji izdato od strane Kantonalnog poreznog ureda Sarajevo od 22.07.2019. godine-ovjerena kopija,
- Kopija uplatnice administrativne takse,
- Rješenje o građevinskoj dozvoli br. 07-23.5-3965/13 od 07.11.2013. godine, izdato od Službe za prostorno uređenje, urbanizam građenje, općina Hadžići,
- Izmijenjeno rješenje o građevinskoj dozvoli br. 07-23-3-4007/2013 od 07.11.2013. godine, izdato od Službe za prostorno uređenje, urbanizam građenje, općina Hadžići,
- Rješenje o građevinskoj dozvoli br. 07-19-2-1273/21 od 06.05.2021. godine, izdato od Službe za prostorno uređenje, urbanizam građenje, općina Hadžići,
- Rješenje o urbanističkoj saglasnosti br. 07-23-2-4046/19 od 13.03.2020. godine, izdato od Službe za prostorno uređenje, urbanizam građenje, općina Hadžići,
- Ugovor o isporuci vode za piće i odvođenju otpadnih voda br 1156/17 od 27.03.2017 godine sklopljen sa JKP„KOMUNALAC“ d.o.o. Hadžići,
- Informacija o položaju poslovnih objekata fabrike boja, fasada i maltera, „RAJZ“ d.o.o. Hadžići u odnosu na zaštitnu zonu izvorišta „Garovci“, Hadžići br. 821/15 od 27.02.2015. godine izdatu od strane JKP„KOMUNALAC“ d.o.o. Hadžići (u spisu UP-I/25-3-40-147-1/18),
- Ugovor o pružanju usluga zbrinjavanja opasnog otpada sa iz procesa rada predmetnog objekta, sklopljen sa „AIDA COMERCE“ d.o.o. Sarajevo, br. 02-460/17 od 11.12.2017. godine-ovjerena kopija,
- Rješenje o vodnoj dozvoli broj: UP-I/25-3-40-147-5/18 od 22.06.2018 godine izdato od strane „Agencije za vodno područje rijeke Save“ Sarajevo,
- Odgovor broj : 05-19-31649/21 od 25.08.2021 godine od strane Ministarstva prostornog uređenja, građenja i zaštite okoliša Kantona Sarajevo,
- Zaključak broj: 05-19-3761/21 od 06.10.2021 godine od strane Ministarstva prostornog uređenja, građenja i zaštite okoliša Kantona Sarajevo,
- Rješenje o ispunjenju tehničkih uslova za rad broj: 04-21-1-4610/2014 od 12.11.2014 godine izdato od strane Službe za privredu, finansije i inspekcijski nadzor, Općina Hadžići,
- Izvještaj o monitoringu kvaliteta i kvantiteta otpadnih voda pogona „RAJZ“ Hadžići broj: 1042/22, juli 2022 godine urađen od strane „Inspekt-RGH“ d.o.o. Sarajevo,
- Transportna dokumentacija za odvoz otpada od strane ovlaštene firme „AIDA COMERCE“ d.o.o. Sarajevo od 08.07.2022 godine,
- Foto dokumentacija o izvedenim radovima na lokaciji (radovi na dijelu sistema za prikupljanje, tretman i odvođenju otpadnih voda).
- Operativni plan mjera u slučaju vanrednih i incidentnih situacija „RAJZ“ d.o.o. Sarajevo fabrika za proizvodnju boja i fasada „BAUTREND“,
- Odluka o zaštiti izvorišta vode za piće „Garovci broj:01-01-2-3689/15 Od 30.04.2015 godine donesena od strane Općinskog vijeća Općine Hadžići,

- Račun br. 22-3230-2-2-2023 za utrošenu vodu i odvođenje otpadnih voda izdat od strane JKP "KOMUNALAC" d.o.o. Hadžići.

B. Tehnička dokumentacija

- Glavni projekat prihvata i tretmana tehnoloških, zauljenih i oborinskih voda sa lokacije fabrike boja, fasada i maltera „RAJZ“ d.o.o. Hadžići urađenom od strane „IPSA“ Institut d.o.o. Sarajevo, april 2015 godine-ovjeren od strane JKP "KOMUNALAC" d.o.o. Hadžići,
- Izvještaj o izvršenoj tehničkoj kontroli-reviziji projektne dokumentacije urađen od strane „HIGRACON“ d.o.o. Sarajevo.
- Glavni projekat prikupljanja, tretmana i odvođenja otpadnih voda i načina vodosnabdijevanja sa prikazom izvedenog stanja vanjskih hidroinstalacija, registarski broj: 10-111/23, maj 2023 godine, urađen od strane „TQM“ d.o.o. Lukavac,
- Revizija Glavni projekat prikupljanja, tretmana i odvođenja otpadnih voda i načina vodosnabdijevanja sa prikazom izvedenog stanja vanjskih hidroinstalacija, broj: REV11-05/23 urađena od strane „EUROING“ d.o.o. Bihać.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 21.03.2023. godine izvršen uviđaj na predmetnoj lokaciji poslovnog-proizvodnog objekta - pogona za proizvodnju boja, fasada i maltera o čemu je sačinjen Zapisnik o uviđaju broj: UP-1/21-3-40-085-2/23.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Lokacija fabrike boja, fasada i maltera „RAJZ“ d.o.o. Hadžići, nalazi se u II zaštitnoj zoni izvorišta „Garovci,“ Hadžići odnosno u zoni sa strogim zabranama i ograničenjima koja je utvrđena u projektnoj dokumentaciji zaštite izvorišta na vodovodnim sistemima na području općine Hadžići urađenom od strane „Instituta za hidrotehniku Građevinskog fakulteta u Sarajevu“ a na osnovu koje je donijeta Odluka o zaštiti izvorišta „Garovci,“ Hadžići broj: 01-01-2-3689/15 Od 30.04.2015 godine donesena od strane Općinskog vijeća Općine Hadžići u skladu sa Pravilnikom o načinu utvrđivanja uslova za određivanje zona sanitarne zaštite i zaštnih mjera za izvorišta vode za javno vodosnabdijevanje stanovništva («Sl. novine FBiH», broj: 88/12).

Na predmetnoj lokaciji protiče Garovački potok koji je čitavom dužinom kojom prolazi na ovoj lokaciji, zacijevljen betonskim cijevima DN 1000 mm. Garovački potok prolazi ispod magistralnog puta M 17 i uliva se u rijeku Zujevinu na udaljenosti cca 50 m od predmetne lokacije.

Glavni projekat prihvata i tretmana tehnoloških i oborinskih voda sa lokacije fabrike boja, fasada i maltera „RAJZ“ d.o.o. Hadžići urađen je od strane pravnog lica koje ima ovlaštenje (sa liste «A») pribavljeno od strane Federalnog ministarstva poljoprivrede, vodoprivrede i šumarstva i ovjeren od strane JKP "KOMUNALAC" d.o.o. Hadžići.

Za predmetni proizvodni objekat izdata građevinska dozvola i upotrebna dozvola od strane nadležnih organa dok je za logističko distributivni objekat pribavljena građevinska dozvola.

Osnovna djelatnost predmetnog objekta je proizvodnja mineralnih materija (boja, fasada, maltera i ljepila za stiropor i keramiku) na bazi ekološkog vodenog programa.

Na lokaciji se nalaze sljedeći objekti: 5 nadstrešnica, 2 zatvorena skladišta, proizvodni objekat, silosi, logističko-distributivni centar, kolska vaga, manipulativne i radne površine.

U objektu dimenzija spratnosti Pr+Sprat, smještene su sljedeće cjeline: magacin ulaznih sirovina i finalnog proizvoda, laboratorija za ispitivanje sirovina repromaterijala i finalnih proizvoda, linija za proizvodnju crnog programa (ljepila za stiropor, keramičke pločice i i malteri), linija za proizvodnju bijelog programa (glet mase, bijeli cement i edelputz), linija za proizvodnju mokrog programa (fasade, kuliri, fasadne boje, poludisperzije i disperzije), prostorije za objedovanje (suhi doručak) i automatski kontrolni centar.

Poslovni objekat-fabrike boja, fasada i maltera se snabdijeva vodom priključkom na gradski vodovodni sistem kojim upravlja JKP "KOMUNALAC" d.o.o. Hadžići.

U proizvodnom procesu rada, tehnološka voda se koristi samo u „mokrom“ programu proizvodnje i ista se nalazi u zatvorenom (kružnom) toku, te ne dolazi do ispuštanja iste van pogona.

Tehnološke otpadne vode nastaju usljed pranja opreme proizvodnje i pranja radnih površina unutar objekta, te pranja vozila na vanjskim površinama.

Tehnološke otpadne vode se prikupljaju unutar vodonepropusnih okana koji se nalaze u proizvodnom objektu te se putem muljih pumpi vraćaju u proizvodnju u mokri postupak. Talog koji nastaje unutar okana-taložnika se redovno čisti i zbrinjava od strane ovlaštene firme prema sklopljenom ugovoru

Voda sa krovova se olučnim vertikalama uvode u kolektor oborinske kanalizacije koji obilazi cijeli objekat, a potom odvođe i ispuštaju u zacijevljeni potok na istočnoj strani.

Oborinske vode sa dijela vanjskih površina gdje se vrši mljevenje kamenog agregata i gdje nastaju suspendovane materije od istog se odvođe na taložnik a potom zajedno sa oborinskim vodama sa platoa i pristupnih saobraćajnica a su koje prikupljene separatnom kanizacionom mrežom odvođe do separatora ullja i masti sa koelescentnim filterom a potom kao prečišćena otpadna voda, preko okna za monitoring ispušta u potok koji prolazi kroz predmetni kompleks.

Oborinske vode sa površina novoizgrađenog logističkogdistributivnog objekta će biti prikupljene tačkastim slivnicima te tretirane na novoizgrađenom separatoru ullja i mastis a koelescentnim filterom i integrisanim oknom za monitoring. Nakontretmana ove vode će se upojiti u Garovački potok.

Sanitarne-fekalne vode iz proizvodnog objekta se izvode PVC cijevima i upajaju u gradski kanizacioni kolektor DN 600 koji prolazi uz magistralni put M 17 a kojim upravlja JKP Komunalac d.o.o. Hadžići.

U tehnološkom postupku proizvodnje koriste se sirovine mineralnog porijekla (kameni agregat, aditivi i punila).

Sirovine se skladište u zatvorene i nadkrivene prostorije čime je onemogućen eventualni uticaj na okolinu.

Na predmetnoj lokalitetu nema skladištenja nafte i naftnih derivata i ne vrši se remont, opravka i servisiranje motornih vozila.

U skladu sa projektnom dokumentacijom „Kantonalni oprativni plan odbrane od poplava“ koji je izrađen od strane Instituta za hidrotehniku Građevinskog fakulteta u Sarajevu, novembar 2012 godine za predmetnu lokaciju „RAJZ“ d.o.o. Hadžići nisu evidentirane poplave kao ni mogućnost plavljenja velikih voda ranga javljanja 1/100 rijeke Zujevine.

Na lokaciji su izvršena dodatni radovi na sistemu prikupljanja, tretmana i ispuštanja otpadnih voda sa predmetne lokacije te je urađen Glavni projekat prikupljanja, tretmana i odvođenja otpadnih voda i načina vodosnabdijevanja sa prikazom izvedenog stanja vanjskih hidroinstalacija, registarski broj: 10-111/23, maj 2023 godine, urađen od strane „TQM“ d.o.o. Lukavac.

Izveštaj o ispitivanju kvaliteta otpadnih voda sa lokacije proizvodnog pogona (proizvodnja boja, fasada i maltera) broj: 1042/22, juli 2022 godine urađen od strane „Inspekt-RGH“ d.o.o. Sarajevo pokazuje da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „RAJZ“ d.o.o. Hadžići, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Alisehović dipl.inž.građ.

Dostaviti:

- „RAJZ“ d.o.o. Sarajevo, Garovci bb, Hadžići (Prilog-tehnička dokumentacija pod tačkom B obrazloženja Rješenja)
- ⑨ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava